

# Лектормудин даалгъврта тöрнъ

Мана партъ, цуг советск олин-амтн КПСС-н XXI-ч хуртг белдлгъ кеджана. Цуг орн-нутгар үр Н. С. Хрущевин КПСС-н XXI-ч хуртг деер кех докладин болн КПСС-н ЦК-н болн СССР-н Министрмүдин Советин школин туск тезисмүдәр өргн күүндвр кеджана.

Долан джилин зуран то Советск Союз эврәннь делгрлтдән ямр агъу ик ишкдл уралан кехинь үзүлдана. Мана орн-нутг коммунистическ өргн тосхлт делгрүллгъ цагт орджана.

Коммунистическ партин бат-тууджлгч зураг күүцалгънд идеологическ көдлшин, энүнә ончта аныгин — лекционн пропагандин нилчнь йир ик. Лекцс умшлгън, марксистек-ленинск теорий тархалгъна, партин болн правительствон дотр-дундин болн газадин керг-тöрин политикиг, наукин, техникин, культурин болн нүүрлгч дамшлтин күүцврин тускиг оln күч-көлсчирт күргдж цүүлгъдж өглгънә делгрсн нег янзнь болджана.

Өдгә цагт КПСС-н XXI-ч хурт хурагдхд белдвр кедджәх цагт лекционн пропагандин өмн онч-та шин төрмүд зөгеджана. Лектор күн мана партин кергин төлә шунмгъа ноолдач. Эн өдрмүдт лекц умшдж, оln-амтнә дунд лектормудин көдлмш кех газрнь колхозмуд, совхозмуд, предприятия малин хошмуд болн фермс болджана.

Орн-нутгин өмн долан джилин зурагъар тавгдджәх алдр төрмүдиг оln күч-көлсчирт гүүнәр цүүлгъдж, медүлдж өгх лектормудин арүн кергинь. Көдлмшч, цергләч, колхозник күн болгън долан джилин контролын тоогъин чинринь сәәнәр медж авх зөвтә. Советск орн-нутг ирх долан джилин өрг-цд агъу ик делгрлт күүцәдж чадхнь социализм капитализмәс хол даву деер болджахинь, марксизм-ленинизмн идея диилджәхинь теднд иткүлдж келх йилгүү чингә керг мөн.

Лекционн пропагандиг улм өргнәр делгрүлдж, терүнә чинринь ясурулх төриг күүцәхд ода партин организацсин йилгүү онгънь туск зөвтә. Олнд тодрха амрар медж лекцс умшлгън, нег үлү иим лекцсиг селәнә газрт бүрдәлгън, ода чигн ик сул. Лекцсиг умшлт келгъән өдгә цагт күүцәгддж йовх төрмүдлә сулар залгългън үзгднә.

Юстинск болн Яшкульск райо-

дин зарм эклц партинн организацс лекционн пропагандиг ясурулхд ода бийнь килмджән сулар тавджәхнь лавта. Совхозмудин фермст, бригадст, предприятист болн учрежденъст лекцс умшлгън сул. Политическ болн научн медрл тархалгъна обществен районна отделенъс лекцс умшлгъна зурагъан татугъар күүцәджана.

Партин организацс, политическ болн научн медрл тархалгъна обществен отделенъс даруд лекционн пропаганд бүрдәлгъиг түрүн көдлмшт тавдж кех зөвтә. Дарук сармудт 1959—1965 джилмүдт СССР-н оln-амтнә эдл-ахун делгрлтин контролын тоогъин тускар лекцс, докладмуд, умшлгън гол төрт тавгдх зөвтә.

Лекцс болн докладмудт, мана орн-нутг тууджлгч шин цагт коммунистическ делгү тосхлгънд орджахиг цүүлгъдж өгхмн. СССР-н оln-амтнә эдл-ахун цуг аныгсин делгрлт цаарандан өсхин, советск оln-амтнә бәәхтә джиргълнь болн культурин кирцән хурдар өөдлхинь күч-көлсчирт гүүнәр медүлдж келдж өгх кергтә. Өдгә цагт Коммунистическ партин нилчнь улм өөдлджәхиг, долан джилин зуран нарт делкәд туурча чинринь өргнәр цүүлгъдж келхмн.

Каспийск районд, Элет балгъснд болн нань чигн райодт сүүлин цагт лекционн көдлмш өргнәр делгрджана. Каспийск района партин комитетин лектормуд, докладчикуд болн пропагандистир үр Н. С. Хрущевин XXI-ч хурт деер кех докладин тезисмүдин болн школин туск тезисмүдәр 30 гар лекцс болн докладмуд ахр болзгин дотр умшдж, терүгинь мингъ гар күн ирдж сонъс-цахадж.

КПСС-н ноябрьск Пленумин хәләддж батлсн тезисмүдин аныг болгънь лектор күүнә гарт лекц умшхднь цаньго тааста материал өгчәнә. Ноябрьск Пленумин шиидврмүдиг цүүлгъдж лекцс, докладмуд болн күүндвр кехин тускар КПСС-н ЦК-н пропагандин болн агитацион отделин батлсн зура бәәнә. Тегәд лекционн пропагандиг ясурулдж, өргнәр делгрүлхд тааста эв-аргъ учрджана.

Партин комитетс, политическ болн научн медрл тархалгъна обществен правленъс лекционн пропаганд бүрдәхд гарчах тер өргн эв-аргъиг олзддж, идеологическ көдлмш делгрүллгънд темдгтә күүцвр бәрх зөвтә.